



## XALQ DEPUTATLARI GULISTON TUMANI KENGASHI QARORI

Guliston tumani 120300, Turkiston ko'chasi, 13-uy. Tel: (67) 796-24-57

2022 - yil 14 - iyun

VI-52-95-9-124-K/22

Guliston tumani hokimligi

### **Guliston tumani Yulduz, Ishonch, Sohilobod mahalla fuqarolar yig'inlarida ayrim nomlanmagan hamda nomlari takrorlangan ko'chalar, maydon hamda tumandagi qabristonlarga yangi nomlar berish to'g'risida**

Kun tartibidagi masala deputatlar tomonidan atroflicha muhokama qilinib Xalq deputatlari tuman Kengashi

#### **QAROR QILADI:**

1. Geografik obyektlarga nom berish va ularni qayta nomlash to'g'risidagi takliflarni davlat ekspertizasidan o'tkazish bo'yicha O'zbekiston Respublikasi Davlat soliq qo'mitasi huzuridagi Kadastr agentligi ekspert komissiyasining 2022-yil 30-maydagi 08-04380-sonli xati ma'lumot uchun qabul qilinsin.

2. Guliston tumanidagi mahalla fuqarolar yig'inlari tomonidan nomlanmagan yoki nomlari takrorlangan ayrim ko'chalarni qayta nomlash to'g'risidagi takliflari asosida O'zbekiston Respublikasi Davlat soliq qo'mitasi huzuridagi Kadastr agentligi ekspert komissiyasining 2022-yil 30-maydagi 08-04380-sonli xati bilan taklif etilgan ko'chalar, maydon va qabristonlar nomlari ilovaga asosan tasdiqlansin.

3. Tuman Ichki ishlar bo'limi (Sh.Ibragimov), tuman Adliya bo'limi (Sh.Iskanov), tuman Statistika bo'limi (B.Suyarov), tuman Davlat soliq inspeksiyasi (Sh.Umurov), Davlat xizmatlari markazi (Sh.Tursunqulov), tuman Mahalla va nuroniylarni qo'llab-quvvatlash bo'limi (Sh.Xushmuratov), Davlat kadastrlar palatasi Guliston tumani filiali (J.Abdullayev), tuman Qurilish bo'limi (X.Yuldashev) va tegishli mutasaddi tashkilotlarga:

mazkur qaror ilovasi asosida amalga oshirilayotgan o'zgarishlar e'tiborga olinsin va mazkur qarordan kelib chiqqan holda tegishli idoraviy hujjatlarga o'zgartirish kiritish vazifasi yuklatilsin.

4. Tuman hokimining o'rinbosari O.Jo'rayev, tuman Mahalla va nuroniylarni qo'llab-quvvatlash bo'limi (Sh.Xushmuratov)larga:

10 kun muddatda hududlardagi nomlari o'zgargan ko'chalarga zamonaviy ko'rinishdagi (lotin yozuvida homiy tashkilotlar yordamida) peshlavhalar yozib o'rnatish ishlarini tashkil etish;

peshlavhalar o'rnatish va moliyalashtirish yuzasidan tegishli tashkilotlarga ko'rsatmalar berish va nazoratga olish vazifalari yuklansin.

5. Tuman hokimligi huzuridagi geografik obyektlarni nomlash va qayta nomlash masalalari bo'yicha komissiya (O.Jo'rayev), tuman Mahalla va nuroniylarni qo'llab-quvvatlash bo'limi (Sh.Xushmuratov) va fuqarolar yig'inlari raislari bilan hamkorlikda:

bir hafta muddatda hududlarda yangi nomlangan ko'chalar va qabristonlarning nomlarini aholi o'rtasida keng targ'ib etish yuzasidan tegishli chora-tadbirlar belgilansin.

6. Tuman Ichki ishlar bo'limi (Sh.Ibragimov)ga:

tuman hududlaridagi nomlari o'zgargan ko'chalarda yashovchi fuqarolarga yangi pasport berish va ularni ro'yxatga qo'yishda yangi nomlar bilan yozilishini nazoratga olish vazifasi yuklatilsin.

7. Tuman hokimligi axborot xizmati rahbari-matbuot kotibi X.Cheliboyevga;

hududlarda yangi nomlangan ko'chalarning nomlarini aholi o'rtasida keng targ'ib qilish maqsadida ijtimoiy tarmoqlarda ma'lumotlar bersin.

“Guliston hayoti” gazetasi tahririyati (B.Norjigitova)ga ushbu qarorni “Guliston hayoti” gazetasida yoritish tavsiya etilsin.

8. Mazkur qaror ijrosini nazorat qilish Xalq deputatlari tuman Kengashining ijtimoiy-madaniy rivojlantirish masalalari bo'yicha doimiy komissiyasi raisi X.Usmanov va tuman hokimining o'rinbosari O.Jo'rayev zimmalariga yuklatilsin.

**Tuman hokimi**



**S.Begimkulov**

Xalq deputatlari Guliston tuman Kengashining  
2022 yil 14 iyundagi  
VI-52-95-9-124-K/22-son qaroriga  
1-ilova

**Guliston tumanida Geografik obyektlarni inventarizatsiyadan o'tkazilgan hamda tasdiqlangan qayta nomlangan Geografik obyektlar RO'YXATI**

T/r	Geografik obyektning turi	Geografik obyektning bog'lanishi	Geografik obyektning amaldagi nomi	Viloyat komissiyasi tomonidan berilgan taklif	Viloyat komissiyasi tomonidan tavsiya etilgan nomlar
1	2	3	4	5	6
1.	Ko'cha	Yulduz MFY	Nomsiz ko'cha	Bog'i zam-zam, Porloq, Gulzor	Tojmahal
2.	Ko'cha	Yulduz MFY	Nomsiz ko'cha	Tarovat, Shodlik, Tojmahal	Tarovat
3.	Ko'cha	Yulduz MFY	Nomsiz ko'cha	Fusunkor, Nishona, Nurli bog'	Fusunkor
4.	Ko'cha	Yulduz MFY	Nomsiz ko'cha	Nashida, Buxoro, Yoshlik	Nashida
5.	Ko'cha	Yulduz MFY	Nomsiz ko'cha	Obod guzar, Orom, Madad	Obodguzar
6.	Ko'cha	Yulduz MFY	Nomsiz ko'cha	Nurziyo, Ravnaq, Turon	Turon
7.	Ko'cha	Ishonch MFY	Nomsiz ko'cha	Yangi zamon, Obod maskan, Yosh kuch	Yangizamon
8.	Ko'cha	Ishonch MFY	Nomsiz ko'cha	Charog'bon, Kelajak sari, Yoshlik	Charog'bon
9.	Ko'cha	Ishonch MFY	Nomsiz ko'cha	Ganj, Matonat, Birlashgan	Matonat
10.	Ko'cha	Sohilobod MFY	Nomsiz ko'cha	Matonat, Taraqqiyot, Hayot	Hayot
11.	Qabriston	Ahillik MFY	Nomsiz	Ahillik mahallasi Nasroniylar qabristoni	Ahillik mahallasi Nasroniylar qabristoni
12.	Qabriston	Beshbuloq QFY	Nomsiz	Beshbuloq mahallasi Birodarlik qabristoni	Beshbuloq mahallasi Birodarlik qabristoni
13.	Qabriston	A.Navoiy MFY	Nomsiz	Mangulik, Saxovat, Birlashgan	Mangulik
14.	Qabriston	Yulduz MFY	Nomsiz	Qaytmas, Bo'ston, Birlashgan	Bo'ston
15.	Qabriston	Yulduz MFY	Nomsiz	Ittifoq, Boqiy, Yuksalish	Boqiylik
16.	Qabriston	Ahillik MFY	Nomsiz	Ahillik mahallasi Musurmonlar qabristoni	Ahillik mahallasi Musurmonlar qabristoni
17.	Maydon	Do'stlik mahallasi	Nomsiz	Yurt bayrog'i	Yurt bayrog'i